

Հայաստանի Հանրապետության Արմավիրի մարզպետարանի
գլխավոր քարտուղարի 2020 թվականի մարտի 4-ի N ԳՔՀ/65-2020 հրամանի

ՔԱՂԱՔԱՑԻԱԿԱՆ ԾԱՌԱՅՈՒԹՅԱՆ ՊԱՇՏՈՆԻ ԱՆՁՆԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶՊԵՏԱՐԱՆԻ ՔԱՂԱՔԱՇԻՆՈՒԹՅԱՆ ՎԱՐՉՈՒԹՅԱՆ ԳԼԽԱՎՈՐ ԻՆժԵՆԵՐ

1. Ընդհանուր դրույթներ

1.1. Պաշտոնի անվանումը, ծածկագիրը

Հայաստանի Հանրապետության Արմավիրի մարզպետարանի (այսուհետ՝ Մարզպետարան) քաղաքաշինության վարչության (այսուհետ՝ Վարչություն) գլխավոր ինժեներ (այսուհետ՝ Գլխավոր ինժեներ) ծածկագիրը՝ 93-1.2-Մ2-1:

1.2. Ենթակա և հաշվետու է

Գլխավոր ինժեներն անմիջական ենթակա և հաշվետու է Վարչության պետին:

1.3. Փոխարինող պաշտոնի կամ պաշտոնների անվանումները

Գլխավոր ինժեների բացակայության դեպքում նրան փոխարինում է Վարչության պետի տեղակալը, իսկ դրա անհնարինության դեպքում՝ Վարչության պետը:

1.4. Աշխատավայրը

Հայաստանի Հանրապետություն, Արմավիրի մարզ, քաղաք Արմավիր, Աբովյան 71:

2. Պաշտոնի բնութագիրը

2.1. Աշխատանքի բնույթը, իրավունքները, պարտականությունները

1. Իրականացնում է Մարզի ավտոմոբիլային ճանապարհների ամառային և ձմեռային սպասարկումը, շահագործումը և հսկողությունը, ինչպես նաև մասնակցում է ավտոմոբիլային ճանապարհների շինարարության, հիմնանորոգման, նորոգման աշխատանքների պատվիրատուի գործառույթների և այլ պատվիրատուների կողմից իրականացված աշխատանքներին, ցուցաբերում աջակցություն:
2. Իրականացնում է մարզի տարածքում գտնվող ճանապարհների փաստացի վիճակի ուսումնասիրություններ:
3. Իրականացնում է մարզային ենթակայության ճանապարհների աշխատանքների համար կապալառու կազմակերպությունների ընտրությունների մրցույթների նախապատրաստման աշխատանքները, մասնակցում է ճանապարհաշինարարական կազմակերպությունների գործունեության աշխատանքներին:
4. Իրականացնում է մարզի ճանապարհաշինության զարգացման հեռանկարային ծրագրերի կազմման աշխատանքները, նախապատրաստում է Մարզի ճանապարհաշինության ոլորտի

միջնաժամկետ ծախսային ծրագրի և բյուջետային հայտի կազմումը, ներկայացումը և ՄԺԾԾ-ի քննարկման աշխատանքներին մասնակցությունը, ինչպես նաև Մարզային նշանակության ավտոմոբիլային ճանապարհների առկա վիճակի, պահպանման մակարդակների գնահատումը և Մարզում ճանապարհաշինության ոլորտում առաջնահերթ լուծում պահանջող խնդիրների ուսումնասիրությունը, ծրագրերի ու նախագծա-նախահաշվային փաստաթղթերի կազմումը:

5. Իրականացնում է եղանակային պայմանների, Մարզի ավտոմոբիլային ճանապարհներին տիրող իրավիճակի և ավտոտրանսպորտի անցանելիության մասին պարբերաբար տեղեկությունների հավաքագրումը:
6. Մասնակցում է մարզային ավտոճանապարհների պահպանության և շահագործման աշխատանքների նկատմամբ հսկողության իրականացմանը, և թերությունների մատյաններում կատարում է գրանցումներ:
7. Իրականացնում է Մարզային ավտոճանապարհների պաշտպանական գոտիներում տարբեր շինությունների, կոմունիկացիաների և գովազդների տեղադրման օրինականության ուսումնասիրության աշխատանքները:
8. Աջակցում է միջմարզային, ներմարզային և համայնքային հասարակական տրանսպորտի աշխատանքներին:
9. Մասնակցում, համագործակցում և աջակցություն է ցուցաբերում Մարզում երկաթուղային և ավտոմոբիլային տրանսպորտային միջոցների երթևեկության անվտանգությունն ապահովելու գործընթացներին:
10. Իրականացնում է Մարզպետին հասցեագրված, ինչպես նաև պետական կառավարման այլ մարմիններին հասցեագրված և Մարզպետարան վերահասցեագրված գրությունների, դիմումների, բողոքների, առաջարկությունների քննարկման և ուսումնասիրման աշխատանքները:
11. Իրականացնում է իրավական ակտերի նախագծերի, առաջարկությունների, եզրակացությունների և այլ փաստաթղթերի նախապատրաստման, ինչպես նաև դրանց վերաբերյալ մեթոդական պարզաբանումների և ուղեցույցների մշակման աշխատանքներ:
12. Իրականացնում է Վարչության աշխատանքային ծրագրերի կազմման և Վարչության պետին ներկայացման աշխատանքներ:

Իրավունքները՝

1. Իրականացնել լիազոր մարմնի կողմից կազմակերպած միջմարզային և ներմարզային ավտոբուսային կանոնավոր փոխադրումների երթուղային ցանցերի համաձայնեցում:
2. Իրականացնել Մարզի տարածքում գտնվող ճանապարհների փաստացի վիճակի ուսումնասիրություններ, դրանց արդյունքների հիման վրա առաջարկություն ներկայացնել Վարչության պետին:
3. Ցանկացած ժամանակ ստուգել կապալառուի կողմից կատարվող աշխատանքի ընթացքը և որակը՝ առանց միջամտելու կապալառուի գործունեությանը, ստուգելով տեխնիկական բնութագիր-գնման ժամանակացույցին համապատասխանությունը:
4. Իրականացնել մարզային ավտոճանապարհների վիճակի ուսումնասիրություն, կնքելով պայմանագրեր, համաձայնագրեր կապալառու կազմակերպությունների հետ, իրականացնել դրանց դասակարգման աշխատանքները, և արդյունքների հիման վրա առաջարկություններ ներկայացնել Վարչության պետին:
5. Մարզի ճանապարհաշինության զարգացման հեռանկարային ծրագրերի մշակման, Մարզի

ճանապարհաշինության ոլորտի միջնաժամկետ ծախսային ծրագրի և բյուջետային հայտի կազմման նպատակով հավաքագրել անհրաժեշտ տեղեկատվություն: Ճանապարհաշինության ոլորտում առաջնահերթ լուծում պահանջող խնդիրների ուսումնասիրության, ծրագրերի կազմման աշխատանքների նպատակով ընդհանուր օգտագործման ավտոմոբիլային ճանապարհների առկա վիճակի վերաբերյալ հավաքագրել անհրաժեշտ տեղեկատվություն:

6. Մարզային ենթակայության ճանապարհաշինարարական կազմակերպությունների կատարված աշխատանքների դիմաց վճարումները կատարելու նպատակով իրականացնել ստուգումներ, կազմելով ընդունման-հանձնման արձանագրություններ, եզրակացություններ:
7. Իրականացնել մարզային ճանապարհների վերանորոգման աշխատանքների համար կապալառու կազմակերպությունների ընտրությունների մրցույթների նախապատրաստման աշխատանքները՝ իրականացնելով էլեկտրոնային եղանակով հրավերի պատրաստման, տեխնիկական բնութագրերի, եզրակացությունների կազմում:
8. Մարզի եղանակային պայմանների, Մարզի ավտոմոբիլային ճանապարհներին տիրող իրավիճակի և ավտոտրանսպորտի անցանելիության մասին պարբերաբար հավաքագրել տեղեկություններ:
9. Պարբերական հսկողություն իրականացնել կապալառուի կողմից կատարվող աշխատանքի ընթացքի և որակի նկատմամբ՝ առանց միջամտելու կապալառուի գործունեությանը:
10. Հաստատված քաղաքաշինական ծրագրային փաստաթղթերի բացակայության դեպքերում Մարզային ավտոճանապարհների պաշտպանական գոտիներում տարբեր շինությունների, կոմունիկացիաների և գովազդների տեղադրման օրինականության ուսումնասիրության և կառուցապատումներ իրականացնելու նպատակով համայնքների ղեկավարների կողմից համաձայնեցման ներկայացված փաստաթղթերում թերություններ հայտնաբերելու դեպքում հետ վերադարձնել լրամշակման, ինչպես նաև Հայաստանի Հանրապետության օրենսդրության պահանջներին չհամապատասխանելու դեպքում չհամաձայնեցնել ներկայացված առաջարկը:
11. Հայաստանի Հանրապետության երկաթուղային գծանցների շահագործումը կանոնակարգելու միջոցով երկաթուղային և ավտոմոբիլային տրանսպորտային միջոցների երթևեկության անվտանգությունն ապահովելու նպատակով ստեղծված հանձնաժողովի աշխատանքներին մասնակցություն ապահովել, անհրաժեշտության դեպքում թերությունների ցանկը ներկայացնել համայնքների ղեկավարներին:

Պարտականությունները՝

1. Մարզի տարածքում գտնվող ճանապարհների փաստացի վիճակի ուսումնասիրությունների իրականացման արդյունքում կազմել ակտեր, անձնագրություններ, եզրակացություններ, ներկայացնել Վարչության պետին:
2. Մարզի ճանապարհաշինության ոլորտի միջնաժամկետ ծախսային ծրագրի և բյուջետային հայտի կազմում, լիազոր մարմինն ներկայացում և քննարկման աշխատանքներին մասնակցություն: Մարզային (տեղական) նշանակության ընդհանուր օգտագործման ավտոմոբիլային ճանապարհների առկա վիճակի գնահատման, ընթացիկ ամառային և ընթացիկ ձմեռային պահպանման մակարդակների գնահատման և ճանապարհաշինության ոլորտում առաջնահերթ լուծում պահանջող խնդիրների ուսումնասիրության, ծրագրերի ու նախագծա-նախահաշվային փաստաթղթերի կազմման աշխատանքների ապահովում:
3. Ելնելով եղանակային պայմաններից և Մարզի ավտոմոբիլային ճանապարհներին տիրող իրավիճակից, ապահովել սպասարկվող ճանապարհահատվածներին տրանսպորտի շուրջօրյա և անվտանգ երթևեկությունը՝ համաձայն ճանապարհների պահպանման կանոնների:

4. Քննարկել և ընդունել տեխնիկական բնութագիր-գնման ժամանակացույցին համապատասխան կապալառուի կողմից կատարված աշխատանքի արդյունքը, իսկ աշխատանքի արդյունքում թերություններ հայտնաբերելու դեպքերում՝ այդ մասին գրանցումներ կատարել թերությունների մատյաններում:
5. Հաստատված քաղաքաշինական ծրագրային փաստաթղթերի բացակայության դեպքերում, Մարզային ավտոճանապարհների պաշտպանական գոտիներում տարբեր շինությունների, կոմունիկացիաների և գովազդների տեղադրման օրինականության ուսումնասիրության և կառուցապատումներ իրականացնելու նպատակով համայնքների ղեկավարների կողմից համաձայնեցման ներկայացված փաստաթղթերը ուսումնասիրել (անհրաժեշտության դեպքում՝ նաև տեղում), կազմել մասնագիտական եզրակացություններ ու առաջարկություններ՝ համապատասխան լիազոր մարմինների համաձայնեցմանը տրամադրելու նպատակով:
6. Առաջարկել համապատասխան համայնքների ղեկավարներին համագործակցելով «Հարավ-կովկասյան երկաթուղի» ՓԲԸ-ի հետ ապահովել երկաթուղային և ավտոմոբիլային տրանսպորտային միջոցների երթևեկության անվտանգությունը:
7. Կազմակերպել Մարզպետին հասցեագրված, ինչպես նաև պետական կառավարման այլ մարմիններին հասցեագրված և Մարզպետարան վերահասցեագրված գրությունների, դիմումների, բողոքների, առաջարկությունների քննարկման և ուսումնասիրման աշխատանքների իրականացումը:
8. Մասնակցել և կազմակերպել Բաժնի մասնակցությունը Մարզպետարանի, ինչպես նաև համապատասխան մարմինների տարբեր ստորաբաժանումների հետ կազմակերպված՝ առաջադրված խնդիրների լուծման շուրջ աշխատանքային և մասնագիտական քննարկումներին:
9. Իրականացնում է Վարչության աշխատանքային ծրագրերի կազմման և Վարչության պետին ներկայացման աշխատանքները:

3. Պաշտոնին ներկայացվող պահանջները

3.1. Կրթություն, որակավորման աստիճանը

Բարձրագույն կրթություն:

3.2. Մասնագիտական գիտելիքները

Ունի գործառույթների իրականացման համար անհրաժեշտ գիտելիքներ:

3.3. Աշխատանքային ստաժը, աշխատանքի բնագավառում փորձը

Հանրային ծառայության առնվազն երկու տարվա ստաժ կամ երեք տարվա մասնագիտական աշխատանքային ստաժ կամ տրանսպորտի կամ ճանապարհաշինության բնագավառում՝ երեք տարվա աշխատանքային ստաժ:

3.4. Անհրաժեշտ կոմպետենցիաներ

Ընդհանրական կոմպետենցիաներ

1. ծրագրի մշակում
2. խնդրի լուծում
3. հաշվետվությունների մշակում
4. տեղեկատվության հավաքագրում, վերլուծություն
5. բարեվարքություն

Ընտրանքային կոմպետենցիաներ

1. Բողոքների բավարարում
2. Ժամանակի կառավարում
3. Ելույթների նախապատրաստում և կազմակերպում
4. Ժողովների և խորհրդակցությունների կազմակերպում և վարում
5. Փաստաթղթերի նախապատրաստում

4. Կազմակերպական շրջանակը

4.1. Աշխատանքի կազմակերպման և ղեկավարման պատասխանատվությունը

Պատասխանատու է կառուցվածքային ստորաբաժանման աշխատանքների բնույթով պայմանավորված մասնագիտական գործունեության անմիջական արդյունքի համար:

4.2. Որոշումներ կայացնելու լիազորությունները

Կայացնում է որոշումներ աշխատանքների իրականացման բնույթով պայմանավորված մասնագիտական եզրակացությունների տրամադրման կամ դիմումների քննարկման արդյունքում որոշումների նախապատրաստման և ՀՀ օրենսդրությամբ նախատեսված դեպքերում որոշումների կայացման շրջանակներում:

4.3. Գործունեության ազդեցությունը

Ունի տվյալ մարմնի նպատակների և խնդիրների իրականացման համար մասնագիտական գործունեության տարածքային ազդեցություն:

4.4. Շփումները և ներկայացուցչությունը

Իր իրավասությունների շրջանակներում շփվում և որպես ներկայացուցիչ հանդես է գալիս տվյալ մարմնի ներսում այլ կառուցվածքային ստորաբաժանումների, այլ մարմինների ներկայացուցիչների հետ, հանդես է գալիս պետական մարմինների և միջազգային կազմակերպությունների ներկայացուցիչների մասնակցությամբ ձևավորված աշխատանքային խմբերում:

4.5. Խնդիրների բարդությունը և դրանց լուծումը

Իր լիազորությունների շրջանակներում բացահայտում է մասնագիտական խնդիրներ և այդ խնդիրներին տալիս է մասնագիտական լուծումներ և մասնակցում է կառուցվածքային ստորաբաժանման առջև դրված խնդիրների լուծմանը: